

# **REFERAT IN - Innarluutillit pillugit Siunnersuisooqatigiit d. 16-11-2023**

**Mødedato** Torsdag d. 16. november 2023 kl. 15:00

**Mødested** Suliffeqarnermut Isumaginninnermullu Ataatsimiititap ataatsimiittarfia  
Imaneq 34, 2 sal

# Indholdsfortegnelse

Imaqarniliaq.....	3
-------------------	---

**Punkt .: Imaqarniliaq**

# Inuit innarluutillit pillugit Siunnersuisooqatigiit ataatsimiinnerannit imaqarniliaq

Ataatsimiinneq ingerlanneqarpoq sisamangorneq ulloq 16. novembari 2023, nal. 15:00.

*Suliffeqarnermut Isumaginninnermullu Ataatsimiititap ataatsimiittarfia  
Imaneq 34, 2 sal*

**Ilaasortat**

Karin Pedersen Thorsen (Siulittaasoq)	Inooqat-mi siulersuisunut ilaasortaq
Arnajaaq Lyngø (Siulittaasup tullia)	Immikkut atuartitsinermut ilinniartitsisoq
Lisa Nielsen	Kalaallit Nunaanni Tusilartut Kattuffiat KTK-mi siulittaasoq
Cecilie Marie Hardenberg	Nunatsinni Inuit Innarluutillit Kattuffiat NIIK-mi siulittaasunut ilaasortaq aamma Sugisami siulittaasoq
Inge Olsvig Brandt	Kommunalbestyrelsimi ilaasortaq
Mathias Knude Brusgaard	Inunnut innarluutilinnut tarnikkullu nappaatilinnut Immikkoortortaqarfimmi fagcheffi
Riikki Grønvold	Atuarfinnut immikkoortortami fagcheffi
Vivi Christiansen	Innersuussisarfimmi Suleqatigiinnut aqutsisoq

**Taaseqataasinnaanatik ataatsimeeqataasartut**

Naja Anelouise Heilmann	Inuit innarluutillit pillugit Siunnersuisooqatigiinni allatsi
-------------------------	--

**Peqataasinnaanatik nalunaartut:** Lisa Nielsen, Riikki Grønvold, Arnajaaq Lyngø.

<b>Suliap id:</b>	<b>EMN-2021-11568</b>
-------------------	-----------------------

## Imarisai

1. Oqaluuserisassat akuerineqarneri.....	3
2. Ilisimatitsissutit.....	3
2.1 NIIK-mi siulittaasoq siulittaasullu tullia nutaaq.....	3
2.2 Nuummi atuarfik nutaaq .....	3
2.3 Inuit innarluutillit pillugit politikki nutaaq.....	3
3. Aaliangiiffisassat .....	3
3.1 Inuit innarluutillit pillugit Siunnersuisooqatigiit pillugit oqaloqatigiinneq/ Mathias Knude Brusgaard..	3
3.2 Innarluutilinnut suliasaqarfimmik aaqqissuusseqqinneq / Mathias Knude Brusgaard .....	4
4. Anguniakkat.....	4
4.1 Siunnersuisooqatigiit pingaarnertut susassaqarfii pillugit killiffik.....	4
5. Ukiumut eqikkaaneq.....	5
6. Tamalaat .....	5



# 1. Oqaluuserisassat akuerineqarneri

Oqaluuserisassamut tulliuuttut ilanngunneqassasut oqaasertalerlugu akuerineqarpoq:

1. NIIK-mi siulittaasoq siulittaasullu tullia nutaaq
2. Nuummi atuarfittaassaq
3. Inuit innarluutillit pillugit politikki nutaaq
4. Ukiumut eqikkaaneq

## 2. Ilisimatitsissutit

### 2.1 NIIK-mi siulittaasoq siulittaasullu tullia nutaaq

Cecilie M. Hardenberg ilisimatitsivoq, NIIK ukiut pingasut qaangiuttullu nutaamik siulittaasoqalersut siulittaasullu tullegalersut.

### 2.2 Nuummi atuarfik nutaaq

Cecilie M. Hardenberg ilisimatitsivoq, innarluutillit peqatigiiffii arlallit upernaq Inatsisartunik oqaloqatiginnissimasut. Peqatigiiffiit ataatsimiinnermi Nuummi atuarfissap nutaap ammarnissaanut meeqqat immikkut pisariaqartitsisut eqqarsaatigalugit pillugu ernumassutigisatik ingerlateqqippaat.

Inuit innarluutillit pillugit Siunnersuisooqatigiit meeqqat immikkut pisariaqartitsisut qitiutillugit Nuummi atuarfimmu nutaamut kommunip pilersaarutai pillugit paasisaqarnerunissartik kissaatigaat, tassunga ilanngullugu atuarfimmi angalaartinneqarnissaq.

### 2.3 Inuit innarluutillit pillugit politikki nutaaq

Mathias Knude Brusgaardip inuit innarluutillit pillugit politikki tamanut tusarniaatigineqarnera pillugu Inuit innarluutillit pillugit Siunnersuisooqatigiit immikkut ittumik ataatsimiinneranni annertunerusumik ilisimatissavai. Inuit innarluutillit pillugit politikkimut nutaamut missingiummik suliaqassaaq decembarimi tamanut tusarniaassutigineqarnissaa naatsorsuutigineqarpoq.

## 3. Aaliangiiffisassat

### 3.1 Inuit innarluutillit pillugit Siunnersuisooqatigiit pillugit oqaloqatigineq/ Mathias Knude Brusgaard

Inuit innarluutillit pillugit Siunnersuisooqatigiit ataatsimut saaffissaqarnerup atuutsilernissaanut peqataatinneqarneranut pillugu siusinnerusukku eqqartorneqarsimasut tunngavigalugit Mathias Knude Brusgaard siunnersuuteqarpoq aalajangiiniarnermi aalajangiiffissanilu sorlorni qaqugukku ersarissumik Inuit innarluutillit pillugit Siunnersuisooqatigiit tusarniarneqartassanersut.

Mathias Knude Brusgaardip Inuit innarluutillit pillugit Siunnersuisooqatigiit siunnersuisartuummata eqqumaffigeqquaa. Tamanna isumaqarpoq, siunnersuisooqatigiit innersuussutaat politikku allaffissornikkullu sulinermut ingerlateqqinneqassasut. Ima isumaqanngilaq, Inuit innarluutillit pillugit Siunnersuisooqatigiit innersuussutit qanoq suliarineqarnerat pillugu sulinermi peqataatinneqassasut.

Inuit innarluutillit pillugit Siunnersuisooqatigiit siulittaasuat, Karin Pedersen Thorsen, ilisimatitsivoq, siunnersuisooqatigiinni ilaasortat ilaasa nalugaat, suliaasaqarfimmi suliniutit suut kommunimi suliarineqartanersut. Taamaattumik oqaluuserisassat sorliit ilisimatitsissutigerusussaneraat tusarniaaffigerusussaneraallu suussusersissallugu ajornakusoorpoq.



### Suliassaqarfinni assigiinngitsuni killiffiit

Mathias Knude Brusgaard siunnersuuteqarpoq, kommunimi ingerlatsiviit assigiinngitsut Inuit innarluutillit pillugit Siunnersuisooqatigiit ataatsimiinnerani killiffissuisassasut, taamaalilluni siunnersuisooqatigiit sulianut innarluutilinnut tunngasunut ingerlaavartumik ilisimatineqartassammata.

### Ataasiinnarmik saaffiginniffeqarneq

Inge Olsvig Brandt ilisimatitsivoq, ukiuni arlalinni ataasiinnarmik saaffiginniffissaqarnermut sulineq ingerlasimasoq. Nassuiaavoq, ataasiinnarmik saaffiginniffissaqarneq 2022-mi novembarip ulluisa 29-anni kommunalbestyrelsip ataatsimiinnerani suliassaqarfiit assigiinngitsut aqqutigalugit ataasiinnarmik saaffiginniffeqarneq politikikkut oqaluuserineqarsimasoq. Ajornartorsiutit unammilligassallu ataasiinnarmik saaffiginniffeqarnermut attuumassutillit Suliffeqarnermut Isumaginninnermullu Ataatsimiititami suussusersineqarnikuupput suliarineqarlutillu.

Ataasiinnarmik isaaffeqarneq qinigaaffimmi siullermi aallartineqarpoq ilaatigut taamanikkut Inuit innarluutillit pillugit Siunnersuisooqatigiit suleqatigalugit. Qinersinerup kingornatigut politikikkut suleqatigiinnermut isumaqatigiissumi politikikkut pingaarnersiorneqalerpoq anguniarneqalerlunilu.

Inge Olsvig Brandt siunnersuisooqatigiit innersuussutaat Sulisoqarnermut Isumaginninnermullu Ataatsimiititamat ingerlateqqinneqartarnissaasa pingaaruteqarnerannik tikkuaavoq. Assersuutigalugu workflow innersuussutigineqarpoq.

## 3.2 Innarluutilinnut suliassaqarfimmik aaqqissuusseqqinneq / Mathias Knude Brusgaard

Innarluutilinnut tarnikkut nappaatilinnullu Immikkoortortaqarfimmi fagchefimit Innarluutilinnut tarnikkullu nappaatilinnut immikkoortortaqarfimmi siunissami aaqqissuusseqqinnermi suut pingaarnersiorneqassanersut Inuit innarluutillit pillugit Siunnersuisooqatigiit siunnersuutissaat paaserusunneqarpoq.

### Ilanngussat

1. Innarluutilinnut tarnikkut nappaatilinnullu Immikkoortortaqarfimmi aaqqissuussinermut nutaamut takussutissaq.



Organisationsdiagram  
m Handicap og Social

Immikkoortoq kinguartinneqassasoq tullianilu ataatsimiinnissamat oqaluuserisassanut ilanngunneqassasoq aalajangerneqarpoq.

Mathias Knude Brusgaard naatsumik ilisimatitsivoq, Innarluutilinnut tarnikkut nappaatilinnullu Immikkoortortaqarfiup inunnut innarluutilinnut ataqatigiissaakkamik suleqatigiiffik (ataasiinnarmik isaaffeqarneq) allaffissornikkut ingerlatileraa. Suliassat siullit ilagissavaat kommunimi ikorfartuutit sorliit neqeroortigineqartarnersut innuttaasunut ersarissumik takussutissiornissaat.

## 4. Anguniakkat

### 4.1 Siunnersuisooqatigiit pingaarnertut susassaqarfii pillugit killiffik

Immikkoortoq ataatsimiinnermi kingullermi naammassineqanngilaq, taamaattumillu Inuit innarluutillit pillugit Siunnersuisooqatigiit ataatsimiinnissaannut oqaluuserisassanut ilanngunneqarpoq.



Inuit innarluutillit pillugit Siunnersuisooqatigiit 2022-mi novembarip ulluisa 17-ianni ataatsimiinnerat innersuussutigalugu siunnersuisooqatigiit sulinissaannut pingaarnertut susassaqrarfiit pingasut tassaapput:

1. Sulinissamut ilinniagaqarnissamullu periarfissaqarneq
2. Kikkut tamarmik naleqquttumik ineqarnissamik pisinnaatitaaffeqarnerat
3. Kommuni aamma inuit innarluutillit peqatigiiffiisa akornanni qaninnerusumik suleqateqarneq

2023-mut Inuit innarluutillit pillugit Siunnersuisooqatigiit pingaarnersugassaata tassaavoq "sulisinnaanermut ilinniagaqarnissamullu periarfissaq".

## 5. Ukiumut eqikkaaneq

Innarluutillit pillugit siunnersuisooqatigiivini ileqqoreqqusani § 6 imm. 1 naapertorlugu Isumaginninnermut Suliffeqarnermullu Ataatsimiititaq "*ukiumoortumik Inuit innarluutillit pillugit Siunnersuisooqatigiit killiffissioqatigiinnissaannut ataatsimiigiaqqusisassaaq*".

Killiffissioqatigiinnermi Inuit Innarluutillit pillugit Siunnersuisooqatigiit ukiumoortumik siunnersuisooqatigiit suliaat politikkerinullu siunnersuutaat pillugit nalunaarusiussapput Inuit innarluutillit pillugit siunnersuisooqatigiinnut ileqqoreqqusani § 2 imm. 5 naapertorlugu.

Mathias Knude Brusgaard Inuit innarluutillit pillugit siunnersuisooqatigiit 2023-mi januaarimit 2023-mi decembarimut sulinerannut killiffimmik nalunaarusiamut missingiummik suliaqassaaq. Immikkut ittumik ataatsimiinnerup tulliani Mathias Knude Brusgaard siunnersuisooqatigiit suliaannik siunnersuutaannillu ataatsimiinnermi imaqarnilianit immikkoortunik pingaarnernik saqqummiissaaq.

Tamatuma kingorna Inuit innarluutillit pillugit Siunnersuisooqatigiit aalajangissavaat immikkoortut pingaarnert sorliit Suliffeqarnermut Isumaginninnermullu Ataatsimiititamut saqqummiunneqassanersut. Siunnersuisooqatigiit ataatsimut allaaserinnillutit ataatsimiititamut innersuussutinik suliaqassapput. Siunnersuisooqatigiit ilaasortai aalajangersimasunik kissaateqarunik siunnersuisooqatigiit mailiannut nassiussisinnaapput.

### Ataatsimiititamut ataavartumik ilisimatitsissutit

Inge Olsvig Brandt eqqumaffigineqqusivoq, Inuit innarluutillit pillugit Siunnersuisooqatigiit ataatsimiinnernit imaqarniliat ataatsimiititalimut ilisimatitsissutitut nassiunneqartassasut ataatsimiititamullu oqaluuserisassatuunngitsaq. Inuit innarluutillit pillugit Siunnersuisooqatigiit aalajangersimasunik innersuussutissaqarpata ataatsimiititamik oqaluuserineqartussanik, ataatsimiititami immikkut oqaluuserisassatut suliarineqartassapput. Tassunga ilanngullugu Inuit innarluutillit pillugit Siunnersuisooqatigiit periarfissaqarpur Suliffeqarnermut Isumaginninnermullu Ataatsimiititap ukiumoortumik ataatsimiinnissaannut innersuussuteqarnissaminnut.

## 6. Tamalaat

Inuit innarluutillit pillugit Siunnersuisooqatigiit ulloq 19.10.2023 ataatsimiinnissaat ullormut 16.11.2023-mut kinguartinneqarpoq. Ataatsimiinnermi maluginiarneqarpoq Arnajaaq Lyngep mailia ataatsimiinnissamut aggersaanermi nutaami ilanngunneqarsimanngitsaq taamaattumillu peqataasinnaanani. Lisa Nielsen ataatsimiinnermi peqataangilaq angalagami.

Tassunga ilanngullugu aalajangerneqarpoq Inuit innarluutillit pillugit Siunnersuisooqatigiit ukioq naatinnagu immikkut ittumik ataatsimiissasut.

